

## Royal Arctic Line A/S-imi Toqqaasussanik akissarsiallu pillugit ataatsimiititaliamut suliaakkiissut

### 1. *Aallaqqaasiut*

- 1.1. Toqqaasussanik akissarsiallu pillugit ataatsimiititaliamik pilersitsinissaq siulersuisut septembarip aappaani 2014-imi ataatsimiinneranni aalajangiunneqarpoq, siulersuisut suleriaasissaat ataqqillugu suliassanut piareersaateqarnermut ataatsimiititaliatut atuuttussamik.
- 1.2. Matumani suliaakkiissut siulersuisunit ukiumoortumik misissorneqartassaaq, naleqqussarneqarluni akuersissutigineqarlunilu. Siulersuisunut ilaasortaq kinaluunniit allannguutissatut siunnersuuteqarsinnaavoq, tamanna aamma toqqaasussanik akissarsiallu pillugit ataatsimiititaliamut ilaasortaasunut atuuppoq.
- 1.3. Ulluinnarni aqutsisut tassaapput pisortaqtigiit, ingerlatseqatigiiffiit nalunaarsorsimaffianni pisortaanertut qaqugukkulluunniit nalunaarsorneqarsimasoq pineqarluni.

### 2. *Inissitsiterneq siunertarlu*

- 2.1. Ataatsimiititaliap suliaasai siulersuisut siulittaasuannit aamma siulittaasup tullianit ataatsimiititaliamut siulittaasutut siulittaasullu tulliatut nakkutigineqassapput. Attuumavallaarneq pillugu aalajangersakkat siulersuisut suleriaasissaanni nassuiarneqartut ataatsimiititaliami sulinermit aamma atuupput, pisortaqtigiilli imm. 6.1 naapertorlugu isumaqtigiissutigut pissutsit imminnut tunngasut pillugit isumaqtigiinniarnernut peqataasinnaangorlugit naleqqussagaallutik.
- 2.2. Ataatsimiititaliaq siulersuisuni suliarinninnissaq sioqqullugu piareersaateqarnerinnarmik siunertaqarpoq, aammalu paasissutissat siulersuisunut ilaasortat tamarmik pisariaqartitaannik ataatsimiititaliamuinnaq apuussisoqarneranik kinguneqassanngilaq. Ataatsimiititaliap toqqaasarnermut akissarsianullu tunngasunut pissutsit misissortarpai, siulersuisut, ataatsimiititaliap nammineerluni imaluunniit kukkunersiuisup avataaneersup sukumiinerusumik misissorneqarnissaannik kissaateqarfigisai.

### 3. *Toqqaasussanik akissarsianullu pillugit ataatsimiititaliami ataatsimiinnerit*

- 3.1. Ukiumut ikinnerpaamik marloriarluni ataatsimiittoqartassaaq, kiisalu siulittaasup pisariaqarsorippagu. Ukiumut tullinnguuttumut missingersuutitut kiisalu ukiumoortumik naatsorsuutit saqqummiunneqarnerinut atatillugu ataatsimiittoqartassaaq. Siulittaasoq ataatsimiigaaqqusissaaq ullormullu oqaluserisassanik nassiussilluni.
- 3.2. Peqataasut tassaapput ataatsimiititaliamut ilaasortat aammalu toqqaasussanik akissarsianullu ataatsimiititaliami ataatsimiinnernut aggersagassatut naleqquttutut isigineqartut allat.
- 3.3. Ataatsimiititaliap ataatsimiinnerini tamani imaqarniliortoqassaaq, tamannalu siulersuisut imaqarniliortuannit/allattaannit isumagineqarsinnaavoq, ataatsimiititaliali siulittaasua aalajangersinnaavoq paasissutissat inunnut tunngasut mianerisariallit immikkut isertuussisussaataaneq naapertorlugu suliarineqarnissaannik taamaattumillu imaqarniliamut ilanngunneqaratik. Imaqarniliaq siulersuisunut ilaasortat sinnerinut nassiunneqannginnerni ataatsimiititaliap ilaasortaata sinnerinut misissugassanngorlugu naqqiuteqarfigisassanngorlugulu nassiunneqassaaq.

### 4. *Piginnaassuseqartitaaneq allallu*

- 4.1. Ataatsimiititaliaq suliaakkiissutigineqartumi killiliussat iluanni pissutsinik tamanik misissuinissaminut paasissutissallu pisariaqartut pissarsiariniarnissaannut pisortaqtigiillu aqqutigalugit ingerlatseqatigiiffimmi sulisut ikiortiserinissaannut piginnaatitaavoq.
- 4.2. Siulersuisunut ilaasortat allat, pisortaqtigiit, kukkunersiuisoq suliffeqarfiup avataaneersoq kiisalu sulisut attuumassuteqartut ataatsimiititaliamit aggersarneqarunik ataatsimiinnernut peqataanissamut pisussaataapput.

5. *Suliassat toqqaasarnermut tunngassuteqartut*

- 5.1. Piginnaasat pisortaqatigiinni piumasarineqartut nassuiarnissaat kiisalu pinnaasaannik, ilisimasaannik, katitigaanerannik misilittagaannillu nalilersuineq.
- 5.2. Suliffeqarfiup aqqissuussaananik, angissusianik, katitigaanerannik angusaanillu ukiumoortumik nalilersuineq, allannguutaasinnaasunillu siulersuisunut inassuteqarneq.
- 5.3. Pisortaqatigiit pinnaasaannik, ilisimasaannik misilittagaannillu ukiumoortumik nalilersuineq, tamatumingalu siulersuisunut nalunaarusiorneq.
- 5.4. Pisortaanertut atorfirmut piukkussanik siulersuisunut siunnersuuteqarneq.
- 5.5. Pisortaqatigiinnut tunngatillugu piffissaligaasumik malittariiginnarmik taarsisarnissamik pilersaarusiorneq kiisalu pisortatut atorfinnut pisortaqatigiinnut attaveqartunut tunngatillugu taarsisarnermut politikkit najoqqutassallu.
- 5.6. Pisortaqatigiit piginnittut soqutigisaannik ingerlatseqatigiiffiullu piginnaasanik, naammassisaqarsinnaassutsimik assigiinngisitaarnissamillu pisariaqartitsinerannik isumaginnissinnaanissaat ataatsimiititaliamit qulakkeerneqassaaq. Pisortaqatigiit katitigaanerannut tunngatillugu assigiinngisitaarnissaq ataatsimiititaliap ukkatarissavaa, suaassutsinut, ukioqqortussusermut, suliatigut piginnaasanut, pinnaasanut attuumassuteqartunut, misilittakkanut, tunuliaqutarisanut najukkamilu tunngaveqarnissamut tunngatillugu.
- 5.7. Atorfirmut pineqartumut sulisussarsiortoqarnissaa sioqqullugu qinnuteqartup qanoq ittuunissaa, piginnaasassai, misilittagassai ilisimasassaaq pisariaqartinneqartut pillugit nassuaasiortoqassaaq, taannalu siulersuisunut akuerisassanngorlugu inassutigineqassaaq.
- 5.8. Piukkunneqartunik aammalu taakku piginnaasaannik, misilittagaannik ilisimasaannillu nalilersuisoqassaaq siulersuisunullu akuerisassanngorlugu inassutigineqarluni.

6. *Suliassat akissarsianut tunngassuteqartut*

- 6.1. Piginnaatitsissut siulersuisunit tunniunneqartoq tunngavigalugu, isumaqatigiissullu atuuttoq naapertorlugu, pisortaqatigiit akissarsiaat pillugit isumaqatigiinniarneq tamatumalu inernerannik siulersuisunut ilisimatitsissuteqarneq.
- 6.2. Pisortaqatigiinnut sulisunullu, ingerlatseqatigiiffimmi ingerlatanut pingaarutilimmik sunnuteqartunut kiisalu sulisunut nakkutilliinermik suliaqartunut akissarsiat pillugit politikkimik suliaqarneq. Akissarsianut politikki akissarsianik tunniussisarnermut tunngavissanik aalajangersaaffiuvoq. Politikki siulersuisunit akuerineqassaaq. Ingerlatseqatigiiffiup ulluinnarni aqutsisunit aalajangersarneqassapput. Ataasiakkaanut akissarsiasat immikkut ittit ingerlatseqatigiiffiup ulluinnarni aqutsisunit aalajangersarneqassapput akissarsiat pillugit politikkimini tunngavissat naapertorlugit.
- 6.3. Akissarsiat aamma aningaasartuutit ajunngitsorsiassallu attuumassuteqartut akissarsiat pillugit politikkimut naapertuunnissaannik qulakkeerinneq.
- 6.4. Missingersuutitut atatillugu ukiumut naatsorsuuseriffiusumut takkuttussamut tunngatillugu akissarsianut tunngavissanik qaffasissusissaannillu nakkutiginninneq.
- 6.5. Siulersuisut pisortaqatigiillu akissarsiaat pillugit paasissutissat ukiumoortumik nalunaarusiami eqqortuunerisa, eqqortumik takutitsinerannik tamakkiisuunerannillu nakkutiginninneq.
- 6.6. Qulaani allaasarineqartunut suliassanullu allanut siulersuisut akissarsiat pillugit ataatsimiititaliamut suliassanngortitaannut atatillugu suliassanik attuumassuteqartunik nakkutiginninneq.
- 6.7. Ingerlatseqatigiiffiup akissarsiat pillugit politikkiata nutarterneqarsimanerannik nakkutiginninneq allannguutissatullu siunnersuutinik siulersuisunut akuerisassanngortitsineq.

7. *Siulersuisunut nalunaaruteqartarneq inassuteqaateqartarnerlu*

- 7.1. Ataatsimiititaliap ataatsimiinnerata kingorna siulersuisut ataatsimiinneranni tulliuttumi ataatsimiititaliami ingerlanneqartut ilisimatitsissutigineqassapput. Tassani aamma innersuussinernik inassuteqaatinillu peqassappat taakku siulersuisunut inaarutaasumik akuerisassanngortinneqassapput.
- 7.2. Imaqarniliat akuerisat siulersuisunut ilaasortanut tamanut ataatsimiinnerup ingerlanneqartup

kinguninngua nassiussuunneqartassapput. Imaqarniliat akuerisat ingerlatseqatigiiffiup allattaaviinut journaliinullu ilanngullugit uninngasuutigineqassapput. Atortussat ataatsimiititaliamut suliarineqartut imaluunniit ataatsimiititaliamit suliarineqartut tamaasa siulersuisunut ilaasortanit Director's Deskikkut pissarsiarineqarsinnaassapput.

8. *Suliassat allat*

- 8.1. Ataatsimiititaliaq ukiumoortumik siulersuisunik naliliinermik suliaqartarpoq, ukiorlu allortarlugu tamanna siunnersortimit avataaneersumit suliarineqartarluni.
- 8.2. Siulersuisunut siulittaasup siulersuisut katitigaanerat pillugu piginnittunik oqaloqateqarnerminut atatillugu ataatsimiititaliamik atuisinnaavoq.

9. *Ataatsimiititaliap sulinerminut ikuuagaasarnera*

- 9.1. Ataatsimiititaliaq siunnersorneqarnissaminut avataanit ikiortiserinnissinnaavoq sulisussarsiortitsisarfinnit, eqqartuussissuserisunit assigisaanilluunniit. Taamatut pisoqartillugu siulersuisut tamatuminnga ilisimatinneqartassapput. Siunnersuisartut arlaannaanulluunniit attuumassuteqanngitsut, ingerlatseqatigiiffiup pisortaqatigiivnut imaluunniit aaqqissuussaannermut suliassanik allanik isumaginnittuunngitsut, sapinngisamik atorineqartassapput.

10. *Ataatsimiititaliami ilaasortat akissarsiassa*

10.1. Akissarsianut tunngatillugu, piginnittut akissarsianut politikkiat malinneqassaaq, ataatsimiititalianullu ilaasortaanermut immikkut akissarsiaqartitsisoqartannginnera tamatumunnga ilaatinneqarpoq. Ilaasortat ataatsimiititaliami suliaqarnerminnut atatillugu toqqaannartumik aningaasartuutigisaat, angalanermut najugaqarnermullu aningaasartuutit ilanngullugit, ingerlatseqatigiiffimmit utertillugit akilerneqassapput, malittarisassat atuuttut naapertorlugit.

Suliakkiissut ingerlatseqatigiiffiup nittartagaatigut pissarsiarineqarsinnaanngortinneqassaaq

Siulersuisunit akuerineqarpoq maajip pingajuani 2019